

書名 [唐詩品彙九十卷]拾遺十卷 嘉靖十六年序刊本
 撰者 明 高棟 輯
 卷 卷七
 內容分類 集-總集-各代-唐
 索書號 集部-總集-35
 編號 D7841100

卷七

彩色首頁1

東洋文化研究所漢籍目錄 編號: D7841100

東洋文化研究所漢籍目錄所藏漢籍善本文影像資料庫 索書號: 集部-總集-35

漢籍善本文影像資料庫文本 [唐詩品彙九十卷]拾遺十卷 嘉靖十六年序刊本

版權所有: 東京大學 東洋文化研究所

使用上的注意事項

唐詩品彙卷之一

五言古詩

正始上

太宗皇帝 五首

新寧高棟編

幸武功慶善宮賦

上所生之宮也貞觀六年幸之宴從臣賞賜間

里同漢沛宛帝歡甚賦詩起居郎呂才
 彼之管絃為功成慶善樂名九功之舞

丘唯舊跡豐邑乃前基
 粵子承累聖縣弧亦在茲

際逢運改提劍鬱匡時
 指麾八荒定懷柔萬國夷

盛入款駕海亦來思
 單于陪武帳日逐衛文螭

竚袞朝四岳無為任百司
 霜節明秋景輕冰結水湄

唐詩拾遺卷之七
許渾 李頻

唐詩品彙拾遺卷之七

權德輿 四首

送謝孝廉移家越州

家承晉太傅身慕魯諸生又見一帆去共愁千里程
沙平烟樹迥潮滿曉江晴從此幽深去無妨隱姓名
送鄭秀才貢舉

西笑意如何知隨貢士科吟詩向月露驅馬出烟蘿
晚色寒蕪遠秋聲候鴈多自憐歸未得相送一勞歌
周平西墓

英威今寂寞陳迹對崇丘壯志清風在荒墳白日愁
窮泉那復曉喬木不知秋歲歲寒塘側無人水自流

蘇小小墓

萬木荒墳在悠然我獨尋寂寥紅粉盡冥漠黃泉深
蔓草映寒水空郊暖夕陰風流有佳句吟眺一傷心

武元衡 三首

西川使宅有韋大尉時孔雀存馬暇日因
與諸公同翫座中兼故府賓御興歎者久
之因賦是詩用廣其意

荀令昔居此故巢留越禽動搖金翠尾飛舞玉墀陰
上客撤瑤瑟美人傷蕙心會因南國使歸放海雲深
送太常十二兄罷用南詔却赴上都

鄉路自茲始征軒行復留張翥隨漢節王濬守刀州

澤國烟花度銅梁霧雨愁別離無可奈萬恨錦江流

送李正字歸蜀

已獻甘泉賦仍登片玉科漢官新組綬蜀國舊烟蘿
劍壁秋雲斷巴江夜月多無窮別離思遙寄竹枝歌

揚巨源 四首

題廢禪居寺

舊寺長桐孫朝天是聖恩謝公詩更老蕭傳道方尊
白法知深得蒼生更重論若為將此望心地向空門
春日與劉評事過故澄上人院

曾共劉諮議同時事道林與君方掩淚來客是知心
堦雪凌春積鐘烟向夕深依然舊童子相送出花陰

池上竹

一叢婣娟色四面清冷波氣潤曉烟重光閑秋露多
翠筠入疎柳清影拂圓荷歲晏琅玕實心期有鳳過
和權相公南園閑步寄廣宣上人

浩氣抱天和閑園載酒過步因秋景曠心向晚雲多
翠玉思迴鳳玄珠肯在鵝問師登幾地空性奈詩何

釋廣宣 二首

早秋降誕日獻壽應制

秋晝開七葉元聖誕千年統殿祥風起當空瑞日懸
道光中國主人識大羅仙敢贊無疆壽香花上法筵

駕幸天長寺應制

天界宜春賞禪門不掩閑宸遊雙闕外僧引百花間
車馬喧長路烟雲靜遠山觀空復觀俗皇鑒此中閑

劉禹錫 二首

奉送家兄歸玉屋山隱 玉屋山一名陽洛山

陽洛天壇上依稀似玉京夜分先見日月靜忽聞笙
雲路將鷄犬丹臺有姓名古來成道者兄弟亦同行

送趙中丞自司金郎轉官叅山南令狐僕

射幕府 趙氏兄弟皆僕射門客

綠樹滿褒斜西南蜀道餘驛門臨白草縣道入黃花
相府開油幕門生逐絳紗行看布政後還從入京華

韓愈 二首

送李負外院長分司東都

去年秋露下羈旅逐東征今歲春光動驅馳別上京
飲中相顧色送後獨歸情兩地無千里因風數寄聲

大行皇太后挽歌詞

一紀尊名正三時孝養榮高居朝聖主厚德載羣生
武帳虛中禁玄堂掩太平秋天笳鼓歇松柏徧山鳴

張籍二首

雲溪西亭晚望

雲水碧悠悠西亭柳岸頭夕陰生遠岫斜照逐迴流
此地動歸思逢人方倦遊吳興著舊畫空見白蘋洲

登咸陽北寺樓

高秋原上寺下馬一登臨渭水西來直秦山南向深
舊宮人不見荒碣路難尋日暮涼風起蕭條多遠心

李賀二首

追賦畫江潭苑

十騎簇芙蓉宮衣小隊紅練香燻朱鵲尋箭踏盧龍
旗濕金鈴重霜乾玉鐙空今朝畫眉早不待景陽鐘

答贈

本作張公子曾名萼綠華沉香燻小像楊柳伴啼鴉
露重金泥冷盃闌玉樹斜琴堂沽酒客新買後園花

王良士一首

奉陪相公西亭夜宴陸郎中

芳氣襲倚蘭青雲展舊歡仙來紅燭下花發采毫端
海岳期方遠松筠歲正寒仍聞贈言處一字重琅玕

呂溫 一首

送文暢上人東遊

隨緣聊振錫高步出東城水止無恒地雲行不計程
到時為彼岸過處即前生今日臨岐別吾徒自有情

白居易 一首

江樓望歸時避難越中

滿眼雲水色月明樓上人旅愁春入越鄉夢夜歸秦
道路通荒服田園隔虜塵悠悠滄海畔十載避黃巾

顧非熊 一首

送僧歸洞庭

江山萬萬重歸去指何峯未入連雲寺先齋越浪鐘
島磬迴棧栢秋蔭出庵松若救吳人病須降震澤龍

張祐 四首

送徐彥夫南遷

萬里客南遷孤城漲海邊瘴雲秋不斷陰火夜長然
月上行墟市風迴望舶舡知君還自潔更為酌貪泉

洞房燕

清曉洞房開佳人喜燕來乍疑釵上動輕似掌中迴
暗語臨窓戶深窺傍鏡臺粧成正含思莫拂畫梁埃

真娘墓 在虎丘西寺內

佛地葬羅衣孤雲此是歸舞為蝴蝶夢歌謝伯勞飛
翠髮朝雲斷青蛾夜月微傷心一花落無復戀春暉
題蘇小小墓

漠漠窮塵地蕭蕭古樹林臉濃花自發眉恨柳長深
夜月人何待春風鳥為吟不知誰共穴徒願結同心

朱慶餘二首

送僧還太原謁李司空

已共隣房別應無更住心中時過野店後夜宿寒林
寺去人烟遠城連寒雪深禪餘得新句堪對上公吟
送韋校書赴靈州幕

共知行處樂猶惜此時分職已為書記官曾校典墳

寒城初落葉高樹遠生雲邊事何須問深謀祇在君

賈島 三首

寄宋州田中丞

古郡近南徐關河萬里餘相思深夜後未答去秋書
自別知音少難忘識面初舊山期已久門掩數畦蔬

送李騎曹

歸騎双旌遠惟生此別中蕭關分磧路嘶馬背寒鴻
朔色晴天北河源落日東賀蘭山頂草時動卷帆風
送耿處士

一瓶離別酒未盡即言行萬里千山路孤舟幾日程
川原秋色靜蘆葦晚風鳴迢遞不歸客人傳虛隱名

周賀二首

送僧歸靈夏

南遊多老病，兄說講經稀。塞寺幾僧在，邊城空月歸。
帶河衰草斷，映月早沙飛。却到禪齋後，邊軍識衲衣。

送淮陰縣令

隋堤楊柳烟，孤棹正悠然。蕭寺通淮戍，蕪城枕楚田。
魚鹽橋上市，灯火雨中船。故老青葭岸，先知宓子賢。

釋無可七首

送人罷舉東遊

東堂今已負，復此遠行難。兼雨風聲過，連天草色乾。
鴻斯荒壘閉，兵燒廣川寒。若向龍門宿，懸知拭淚看。

送沅江宋明府

即開府環之孫

初聞從事日，鄂渚動芳菲。一遂鈞衡薦，今為長吏歸。
人臨沅水望，鴈映楚山飛。唯有傳聲政，家風重發揮。

送宜春裴明府

是將軍曼之子

垂白方為縣，從知大父雄。山春南去棹，楚夜北飛鴻。
疊嶂和雲滅，孤城與嶺通。誰知持惠化，一境動清風。

夏日送崔秀才

南方山水地，念子為貧遊。縱是逢佳境，那能緩旅愁。
夕陽行遠道，煩暑在孤舟。莫向巴江過，猿聲但淚流。

冬夜寄僧

歛屨入寒竹，安禪過漏聲。高杉殘子落，深井凍痕生。

一八〇唐詩抄遺七卷
七
罷磬風枝動，懸燈雪屋明。何當招我宿，乘月上方行。
送顓法師還大原兼謁李司空

近臘辭精舍，并州謁上公。路長山忽盡，塞廣雪無窮。
講席開晴壘，禪衣涉遠風。聞經諸弟子，應滿北門中。
送覺法師往中條舊隱

夜葉動飄飄，寒來話數宵。卷經歸物外，轉雪下山椒。
舊坐杉松大，難行水石遙。元戎宗內學，應就白雲招。
許渾十二首

示弟

自爾出門去，淚痕長滿衣。家貧為客早，路遠得書稀。
文字何人賞，烟波幾日歸。秋風正搖落，孤雁又南飛。

送李支言南遊

酒酣輕別恨，酒醒復離憂。遠水應移棹，高峰更上樓。
簾涼清露夜，琴響碧天秋。重惜芳樽宴，滿城無舊遊。
行次潼關題驛後軒

飛閣極層臺，終童此路回。山形朝闕去，河勢抱關來。
鴈過秋風急，蟬鳴宿霧開。平生無限意，驅馬任塵埃。
泛谿

疑與武陵通，青谿碧嶂中。水寒深見石，松晚靜聞風。
遯跡驅鷄吏，冥心失馬翁。終應婚嫁畢，從此息微躬。
旅懷

征車何軋軋，南北極天涯。孤枕易為客，遠書難到家。

鄉連雲外寺城閉月中花猶有扁舟思前年別若耶
送客歸湘楚

無辭一杯酒昔日與君深秋色換歸髮曙光生別心
桂花山廟冷楓樹水樓陰此路千餘里應勞楚客吟

送韓校書

恨與前歡隔愁因此會同迹高芸閣吏名散雪樓翁
城閉三秋雨帆飛一夜風酒醒鮪鯪羨應在竟陵東

贈高處士

宅前雲水滿高興一書生垂釣有深意望山多遠情
夜棊留客宿春酒勸僧傾未作干時計何人問姓名

天街曉望

明星低未央蓮闕迥蒼蒼疊鼓催殘月疎鐘迎早霜
閑防浮瑞氣宮館耀神光再拜為君壽南山高且長
王秀才自越見訪不遇題詩而回因以酬

寄

南齋知數宿半為木蘭開晴閣留詩遍春帆載酒回
烟深楊子宅雲斷越王臺自有孤舟興無妨更一來

贈遷客

無機還得罪直道不傷情微雨昏山色疎籠閉鶴聲
閑居多野客高枕見江城門外長溪水憐君又濯纓

旅中別姪暉

相見又南北中宵淚滿襟旅游知世薄貧別覺情深

歌管一樽酒山川萬里心此身多在路休誦異鄉吟

李商隱二首

崔處士

真人塞其內夫子入於機未肯投竿起唯歡負米歸
雪中東郭履堂上老萊衣讀徧先賢傳如君事者稀
夜飲

卜夜容衰髮開筵屬異方燭分歌扇淚雨送酒船香
江海三年客乾坤百戰場誰能辭醪酌淹臥劇清漳

馮戴六首

楚江懷古

露氣寒光集微陽下楚丘猿啼洞庭樹人在木蘭舟

廣澤生明月蒼山夾岸流雲中君不降竟夕自悲秋

又

野風吹蕙帶驟雨滴蘭橈屈宋魂冥冥江山思寂寥
陰霓侵晚景海樹入迴潮欲折寒芳薦明神詎可招

宿翠微寺

處處松生蒲樵間一逕通鳥歸霜磬盡僧語石樓空
積翠含微月遙泉韻細風經行心不厭似在故山中
宿無可上人房

稀逢息心侶細話遠山期河漢秋生夜杉梧露滴時
風傳林磬久月掩草堂遲坐臥禪心在淨生皆不知

巴江夜猿

日飲巴江水還啼巴岸邊秋聲巫峽斷夜影楚雲連
雪滴青楓樹山空明月天誰知泊帆者听此不能眠

遠水

蕩漾空沙際虛明入遠天秋光照不極鳥色去無邊
勢引長雲闊波凝片雪連汀洲杳難到萬古覆蒼烟

劉得仁一首

宣義池上

脩篁夾綠池幽鳥此中飛何必青山遠仍將白髮歸
常時亦有恨是日揔無機樹起秋風細西林磬入微

趙嘏二首

虎丘寺贈魚處士

蘭若雲深處前年客重過岩空秋色動水闊夕陽多
早負江湖志今如鬢髮何唯君閑勝我釣艇在烟波

送韋處士歸省朔方

映柳見行色故山當落暉青雲知己沒白首一身歸
蒲袖蕭關雨連沙塞鴈飛到家翻有喜借取老萊衣

項斯一首

遠水

渺渺浸天色一邊生晚涼閣含萍勢遠寒入鴈愁長
北極連平地南流接故鄉扁舟當宿處彷彿似瀟湘

溫庭筠五首

登廬氏臺

勝地當通邑前山有故居臺高秋盡出林斷野無餘
白露鳴蛩急晴天度鴈踈由來放懷地非獨在吾廬
宿秦生山齋

衡巫路不同結室在東峰歲晚得支遁夜寒逢戴顓
龕燈落葉寺山雪隔林鍾行李無由發曹溪欲施春

和友人磐石寺逢舊

楚寺上方宿滿堂昔舊遊月溪逢遠客烟浪有孤舟
江館白蘋夜水閉紅葉秋西風吹暮雨汀草更堪愁
月中雲居寺上方

虛閣披衣坐空堦踏葉行衆星中夜少圓月上方明
霜盡無林色喧餘有澗聲祗應愁恨事遠逐曉光生

和段少常柯古

稱觴慚座客懷刺即門人素尚寧知貴清談不厭貧
野梅江上晚堤柳雨中春未報淮南詔何勞問白蘋

李頻 五首

送元遂上人

白木遊帝鄉已得事空王却返湖山寺高禪水月房
雨中過岳黑秋後宿船涼迴顧秦人語他生會上方

送僧之天台

一錫隨緣起天台又去登長亭舊別路落日獨行僧
夜燒山何處秋帆浪幾層他時授巾拂莫道老無能

送胡處士

見話荆湘切長懷有去時江湖秋涉遠風雨夜眠遲
舊業多歸興空山盡老期天寒一瓢酒落日擬留誰

秋宿慈恩寺遂上人院

滿閣終南色清秋獨倚欄風高斜漢動葉下曲江寒
帝里求名老空門見性難吾師無一事不似在長安

暮秋宿清源上人院

野客愁來日山房木落中微風生夜半積雨向秋終
證道方離法安神不住空迷途將覺路語默見西東

劉滄一首

早行

旅途乘早景策馬獨悽悽殘影郡樓月一聲關樹鷄

聽鐘烟柳外問濺水雲西當自勉行役終期功業齊

皮日休一首

遊西霞寺

不見明居士空山但寂寥白蓮吟次缺香靄坐未銷
泉冷無三伏松枯有六朝何時石上月相對論逍遙

方干三首

早發洞庭

長天接廣澤二氣共含秋舉目無平地何心戀直鉤
孤鐘鳴大岸片月落中流却憶鷓夷子當時此泛舟

送姚合負外赴金州

受詔從華省開旗發帝州野烟新驛曙殘照古山秋

唐詩拾遺卷
樹勢連巴沒江聲入楚流唯應化行後吟句上雲樓
送人之日本

蒼茫大荒外風教即難知連夜揚帆去經年到岸遲
波濤吞左界星斗正東夷或有歸風便當為相見期

李昌符一首

邊行書事

朔野烟塵起天軍又舉戈陰風向晚急殺氣入秋多
樹盡禽棲草冰堅路在河汾陽無繼者羗虜肯先和

周朴一首

塞上行

柳色正沉沉風吹秋更深山河空遠道鄉國自鳴砧

巷有千家月人無萬里心長城哭崩後寂寞至今

張喬七首

經宣城元負外山居

無人襲仙隱石室閉空山避燒猿猶到隨雲鶴不還
澗荒岩影在橋斷樹陰閑但有黃河賦長留在世間

經九華山費徵君故居

草堂蕪沒後來往問樵翁斷石荒林外孤墳晚照中
數溪分大野九子立寒空烟壁曾行處青雲路不通

題山僧院

谿路曾來日年多與舊同地寒松影裏僧老磬聲中
遠水清風落閑雲別院通心源若無礙何必更論空

遊靈山寺

樹涼青島寺虛閣敞禪扉四面閑雲入中流獨鳥啼
湖平幽徑近舡泊夜香微一宿秋風裏烟波隔擣衣
遊歙州興唐寺

山橋通絕境到此憶天台竹裏尋幽徑雲邊上古臺
鳥歸殘照出鐘斷細泉來為愛澄溪月因成隔宿迴
金山寺空上人院

已老金山頂無心上石橋講移三楚遍梵譯五天遙
板閣禪秋月銅瓶汲夜潮自慚昏醉客來坐亦通宵
遊少華山甘露寺

少華中峯寺高秋衆景歸地連秦塞起河隔晉山微
晚木禪相應涼天鴈並飛殷勤記岩石只恐再來稀
羅隱一首

常曲杜處士新居

翠斂王孫草荒誅宋玉茅冠餘無故物時薄少深交
迸筍侵行徑飢鳥出壞巢小園吾亦有多病近來拋
曹松四首

送胡中丞使日本

辭天理玉簪指日使鷄林猶有中華戀方同積水深
張帆度鯨口銜命見臣心渥澤遐宣後歸期抵萬金
送德光禪師重禮石霜長老

天涯綠事了又造石霜微不以千峰嶮唯將獨影歸

有為嫌假佛無境是真機到後流沙錫何時更有飛
與胡汾坐月期貫休上人不至

掃庭秋漏滴接話貫忘眠靜夜人相語低枝鳥暗遷
星圍南極定月照斷河連後會花宮子應開石上禪
喜友人歸上元別業

一檣千里外隱者興宜孤落日長邊海秋風滿故都
掩關苔色老盤徑葉聲枯匡岳來時過遲迴絕頂無

鄭谷 二首

宿澄泉蘭若

山半古招提空林雪月迷亂流分石上斜漢在松西
雲集寒庵宿猿先曉磬啼此心知了了祇此是曹溪

題莊嚴寺休公院

秋深庭色好紅葉間青松病客殊無著吾師甚見容
疎鐘和細溜孤塔等遙峯未省求名侶頻於此地逢

李洞 一首

冬日題覺公蘭若

天寒高木靜一磬隔川聞鼎水看山陷臺香拂雪焚
鶴歸遙認刹僧步不離雲石室開禪後輪珠謝聖君

張蟪 一首

野泉

遠出白雲中長年聽不窮細聲縈石亂寒色入潭空
掛壁聊成雨穿林別起風溫泉非爾類源發在深宮

韋莊一首

建昌渡暎吟

月照臨官渡，鄉情獨浩然。
鳥栖彭蠡樹，月上建昌舡。
市散漁翁醉，樓深賈客眠。
隔江何處笛，吹斷綠楊煙。

已上係晚唐之詩

許渾八首

送李別駕

琴清詩思勞，更欲學龍韜。
王粲暫停筆，呂虔初佩刀。
夜吟闕月靜，秋望塞雲高。
去去從軍樂，鵬飛代馬豪。

送韋明府

酒闌橫劍歌日暮，望闕河道直去官。
早家曾為客，多

山昏函谷雨，木落洞庭波。
莫盡遠遊興，故園荒薜蘿。

雪上燕別

山斷水茫茫，洛人西路長。
笙歌留遠棹，風雨寄華堂。
紅壁耿秋燭，翠簾凝曉香。
誰堪從此去，雲樹滿陵陽。

送從兄

名高猶素衣，窮巷掩荆扉。
漸老故人少，久貧豪客稀。
寒雲橫劍望，山月抱琴歸。
幾日藍溪醉，藤花拂釣磯。

恩德寺

樓臺橫復重，猶有半岩空。
蘿洞淺深水，竹廊高下風。
晴山踈雨後，秋樹斷雲中。
未盡平生意，孤帆又向東。

別脩然上人

吳僧誦經罷，敗衲倚蒲團。鐘韻花猶斂，樓陰月向殘。
晴山開殿翠，秋水卷簾寒。獨恨孤舟去，千灘復萬灘。

原上居

貧居樂遊北江海，思迢迢。雪夜書千卷，花時酒一瓢。
獨愁秦樹老，孤夢楚山遙。有路應相念，風塵滿黑貂。

登樟亭

鱸膾與蓴羹，西風片席輕。潮回孤島晚，雲斂衆山晴。
丹羽下高閣，黃花垂古城。因秋倍多感，鄉樹接咸京。

李頻三首

送宋震先輩赴青州

滿閣終南色，清宵獨倚欄。風高斜漢動，葉下曲江寒。

帝里求名老，空門見性難。吾師無一事，不似在長安。

淮南送人歸滄州

風色忽西轉，坐為千里分。高帆背楚落，寒日逆淮曛。
斷燒緣喬木，盤鷗隱片雲。鄉關百戰地，歸去始休軍。

送劉山歸洞庭

却共歸雲去，高眠最上峯。半湖乘早月，中路入疎鐘。
秋盡草蟲急，夜深山雨重。平生心未已，不得更相從。

已上係增入原是摘句